

per grossificationem intumescit. — Arbor magnitudine foliorum, quae $1\frac{1}{2}$ ad fere 2 ped. longa et $4\frac{1}{2}$ —5 poll. lata, valde insignis. Petioli pollicares, crassiusculi, sine ullo appendicium lateralium vestigio. Lamina ad basin interdum inaequali-cuneata, utroque latere plus viginti venis lateralibus patentissimis leviter arcuatis, nervo medio utrinque sed subtus multo validius extuberante et ibi, ut in reliquis plerisque Speciebus, striolato. Racemi feminei ad summitates ramulorum in eorymbum approximati, 4—6 poll. longi, parce ramosi, glabriusculi. — In parvâ insulâ Rotty, prope Timor.

432. Semecarpus caesia BL.: foliis oblongo-lanceolatis utrinque acuminatis chartaceis glabris subtus caesiis et ad nervum medium puberulis; paniculâ effusâ. — Arbor mediocris, ramulis junioribus superne ferrugineo-tomentosis. Folia petiolis 6—9 lin. longis puberulis suffulta, $\frac{3}{4}$ et ultrapedalia, $1\frac{3}{4}$ —3 poll. lata, leviter repanda, utroque latere venis transversalibus circiter 20—25 parallelis patulis ad margines arcuato-confluentibus, supra nitida, subtus caesia. Panicula terminalis, e plurimis conflata, patentissima; ramis ferrugineo-tomentosis, inferne nudis, superne spiculiferis. — In calcareis Javae.

433. Semecarpus scabrida BL.: foliis oblongis v. ellipticis cuspidatis basi acutis coriaceis subtus et in nervo medio supra scabriusculis; paniculis gracilibus axillaribus et terminalibus hirtulis. — Caulis modo fruticosus, modo arborescens. Ramuli albicantes, juveniles in summitatibus subpubescentes. Folia sparsa, non raro opposita, $3\frac{1}{2}$ —10 poll. longa, $1\frac{1}{3}$ —3 poll. lata, supra nitida et siccando magis minusve in fuscum abeuntia, nervo pallido marginata, subtus pallidiora, utroque latere circiter 9—13 venis lateralibus arcuatis in dorso prominentibus et puberulis; petiolo $\frac{1}{4}$ — $\frac{3}{4}$ poll. longo, in foliis junioribus subpubescente, deinde glabro et ad basin incrassatam in siccis albedo. Paniculae foliis duplo quadruplove breviores, graciles, pube brevi fusca hirtulae, cymiferae. — Cum Varietate sequente in montanis insulae Borneo.

β *Var. elongata*: foliis oblongis lanceolatisve apice acuminatis basi acutis v. angustatis chartaceis.

Species minus cognitae.

434. Semecarpus? zeylanica BL.: foliis lanceolatis obtusiusculis basi in petiolum angustatis chartaceis glabris. — *Mik Zeylanensium.* — Ramulos steriles ex Herbario J. BURMANNI habemus, qui ad hoc Genus videntur referendi. Petioli $\frac{3}{4}$ —1 poll. longi, tenues, ad basin modice incrassati. Lamina $4\frac{1}{2}$ —6 poll., $1\frac{1}{3}$ — $1\frac{3}{4}$ poll. lata, utroque latere circiter 11—13 venis transversalibus utrinque paululum modo prominentibus, siccando supra obscure rufescens nervis pallescentibus marginata, subtus pallide-fusca. — In Zeylanâ.

435. Semecarpus? fulvinervis BL.: foliis oblongis cuspidatis basi obtusis coriaceis ad nervum medium utrinque tomentosis. — Caulis arborescens, ramulis novellis superne cum petiolis fulvo-